

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

04 Mai 2018
(17 Shabaan 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « La Situation Allarmant dans Le Monde Musulman. »

La situation dans le monde li extrêmement préoccupant pour tous bane musulmans (et tous mo bane disciples dans Jamaat Ul Sahih Al Islam) et mo rappelle à tous zot pou prier sincèrement ki Allah (swt) enlève bane dangers ki l'Islam pé faire face parski li encerclé par bane nuages sombres ki Allah tousél capave enlever n'importe kan Li oulé.

Pas ena aucaine part dans le monde kot bane musulmans zot pas directement ou indirectement en danger et nous pas trouve aucaine réponse islamique intelligent à sa. Ena nek ene sel réponse méprisable ki zot conné, c'est-à-dire: persécute zot bane propres frères musulmans et fini l'Islam de zot propres la mains. En plus de bane la guerres civiles et de bane conflits religieux ki zot livrer entre zot-mêmes mais kan il s'agit de la Manifestation Divine et de la croyance dans le Messie Promis Hazrat Mirza Ghulam Ahmad (as) et dans sa siècle présent là, la foi dans sa humble serviteur là, le Khalifatullah, alors tous bane sectes musulmans pas hésiter pou regrouper pour contre-attaquer saki zot qualifié couma hérétiques (c'est-à-dire, zot qualifié nous couma bane ki alle contre zot la religion). C'est lor

sa base là ki zot paraite d'accord et zot aide zot camarades (bane musulmans couma zot mêmes) pour écrase la vérité ki vine de côté d'Allah. Dépi l'avènement de bane prophètes/ messagers non porteur de loi après Hazrat Muhammad (saws), zot paraite fine perdi zot repères kan zot fine nié et calomnié bane hommes de Dieu.

Maintenant, la situation fine même arrive à ene tel point ki groupe ki ti pé persécuté pour zot la foi, c'est-à-dire: Jamaat Ahmadiyya fine li aussi vine ene leader de sa type là en persécutant bane vrais croyants d'Allah et en appliquant toutes sortes kalité la loi non-islamiques pour essaye renverse l'arche d'Allah. Par exemple, l'autorité dans Jamaat Ahmadiyya dans Maurice pé contigné mette la loi non-islamiques - ki zot prétendre ki sa vine depuis l'autorité du Khalifat-ul-Massih - ki zot bizin lever et éloigne zot de n'importe kot sa-sa zot été sak fois ki zot trouve sa humble serviteur là (Munir Azim) le Khalifatullah et ki faudré pas zot faire *Salaam* etc. Tous bane ki alle contre sa décision là pou bizin faire face bane rétributions sévères (par exemple pou capave mette zot endehors Jamaat).

De ce fait, mo révine au cœur de mo Khutba pou d'aujourd'hui; kan il s'agit pou accompli le plus grand pèlerinage à la Mecque, bane ki à la tête (dans l'Arabie Saoudite avec la collaboration de bane différents théologiens musulmans religieux du monde) zot empêche zot bane frères pou rentre dans la bane terres sacrées (bane *Haraamain* - c'est-à-dire, Makkah et Madina) et pou accompli le cinquième pilier de l'Islam: le Hajj. Li en effet bien détestable dans lizié d'Allah ki zot juge la foi de bane les autres alors ki zot fine zot-mêmes être séduit par bane attractions de sa lémonde temporaire et ki zot pé aide bane nations non islamiques pou écrase l'Islam davantage.

En vérité, Allah tousel conne le contenu de bane cœurs et c'est Allah tousel ki juge la foi de So bane serviteurs. Aucaine humain dans la puissance de l'homme pas capave conne la foi de sak dimoune ki habite dans sa lé monde là. D'ene part, zot étendre bane longues la mains de l'amitié à bane ki détester l'Islam, et d'autre part zot aide sa bane là à travers bane armements, et zot finance sa bane dimounes là pour anéanti zot bane propres frères, sœurs et zenfants musulmans dans sa bane pays islamiques là et ki d'après zot pas bane vrais musulmans, ou pluto zot pas parmi bane ki accepter pou vine bane marionnettes dans zot la mains.

En tant ki Khalifatullah de sa l'époque là, li donc mo devoir pou donne bane conseils à tous bane Musulmans, en particulier à zot bane dirigeants, que ce soit ki zot prête attention à sa ou non. Dans nous situation actuel et tout au long de nous la vie, *Salaat/ Namaz* et *Duahs* zot bien bien importants. Zot essentiel. Nous bane la prières bizin ena deux aspects. Ene c'est ki bane musulmans bizin comprend la situation correctement et ki zot bizin recevoir ene leadership intelligent et juste. Ki Allah frustrer et vaincre tous bane zefforts de tous bane ki attaque et tente pou nuire l'Islam de l'intérieur comme de l'extérieur.

Li vraiment triste ki la politique mélangé avec la religion, et ainsi l'Islam gagne ene mauvais réputation à cause bane mauvais décisions de bane pays arabes aussi bien ki de l'Occident et de so bane machinations (mauvais plans ki zot ena derrière zot la tête pou nuire l'islam). De l'embargo lor le Qatar sa bane derniers mois là et le conflit contre l'Iran (kot bane Iraniens temporairement en 2016 pas ti gagne droit rentre dans l'Arabie saoudite pour le Hajj) et bane grands conflits dans la Syrie et dans Palestine et partout kot bane musulmans pé souffert de zot minorité et zot statut de pauvreté, bane musulmans zot en effet dans ene situation précaire (bien difficile). Au lieu ki zot montrer zot uni et ki zot croire dans ene tel l'unité, bane musulmans disperser dans plusieurs groupes kot sakaine pas d'accord avec so camarade.

Bane dirigeants musulmans pas rende zot compte ki tout saki pé passer au Moyen-Orient, ou saki lor le point pou arriver, pou porte préjudice à bane pays musulmans et pou profite seulement bane non-musulmans. Nous bizin fer *duahs* pour ki Allah guide bane pays musulmans dans la sagesse. Seul le pouvoir d'Allah capave inverse sa tragédie dans ene façon pacifique.

Nous bizin efforce nous pou établir la justice dans le monde et pou oppose nous à l'oppression. Le Saint Prophète Muhammad (saws) fine dire ki ene musulman bizin aide so frère si li opprimé ou bien même si li ene oppresseur. Kan fine demande li couma pou capave aide ene oppresseur, le Saint Prophète (saws) fine réponde ki sa oppresseur là bizin être persuadé pou pas commette l'oppression. Par conséquent, mo félicite sa bane pays/ nations, musulmans et non-musulmans ki content sincèrement la paix et ki oulé vraiment apporte la paix et la réconciliation entre bane pays du Golfe et tous bane pays musulmans ki déchiré par bane griffes de bane la guerres et bane conflits. Bane nations musulmans bizin

toujours garde à l'esprit bane limites imposé par Allah et agir avec sagesse d'après bane l'enseignements du Quran et Sunnah de Nabi Kareem (saws).

Li en effet nous devoir pou empêche nous bane frères musulmans, dans la mesure du possible, pou commettre bane injustices. De sa façon là, nous pé aide zot. Nous bizin également aide zot kan zot subir zot-mêmes bane injustices. Le monde de l'Islam bizin affiche ene réaction patient face à l'opposition aggravant (en conséquence de quoi) kot sa pou établir la grandeur de l'Islam. Ene mauvaise conduite de la part de bane musulmans nek au fait donne ene mauvais réputation à l'islam.

Ene fois, pendant ene campagne militaire, le Saint Prophète (saws) fine séparé de so bane disciples et li fine alle reposer dans l'ombrage ene pié. Kan li fine lever après, li fine trouve ene de bane l'ennemis ki ti pé deboute là-haut li avec ene l'épée dans so la main. Li fine dire li: « *Ô Muhammad, ki sanlà capave sauve to la vie astaire?* » Le Saint Prophète (saws) fine réponde li: « *Allah* »; après quoi so adversaire (fine choqué par ene tel réponse et dans so l'étonnement) fine laisse so l'épée tomber. C'est sa seule et unique réponse là ki tout croyant bizin donner face à bane épreuves et à bane adversités. Faudé pas nous trouve l'épée (ou kit les autres z'armes) dans la main mais nous bizin percevoir la puissance divine ki contrôle sa la main là (*ki sa la main là pou nous, kot c'est Allah ki contrôle nous la main, mais aussi pour bane l'ennemis ki croire ki zot puissant, mais ki en fait c'est Allah ki ena tout pouvoir et capave rende zot impuissant kan zot essaye faire nous (So bane serviteurs) ditort*).

Dans nous l'époque, le Jamaat Ul Sahih Al Islam fine être ordonné par Allah en ayant So Calife ki Li fine choisir (le *Khalifatullah*) à la tête. Bane ki l'ennemis du Jamaat Ul Sahih Al Islam pé en vrai dire amène ene combat contre Allah et So volonté. Bane adversaires de la vérité penser ki zot pou capave frapper en premier, mais mette dans zot l'esprit ki bane la mains ki levé pour détruire le Jamaat Ul Sahih Al Islam - le Vrai Islam, pou paralysé par la foudre de la colère d'Allah avant même ki zot attaquer. Pas ena kit pouvoir ki exister ki pou capave change le décret d'Allah. Pas ena aucaine doute ki le Quran Shareef déclarer ki bane fidèles pou subir bane persécutions sévères, mais si zot reste fermes et zot ena ene la foi ferme et ene confiance complète dans Allah, alors Li (Allah) pou protège So bane serviteurs justes de la méchanceté de zot bane adversaires.

Bane différents types d'opposition contre bane vrais serviteurs d'Allah dépi le début de la création et aussi contre le Jamaat Ul Sahih Al Islam dans nous l'époque pou ouvert pour toujours bane nouvo chemins de progrès pour bane Sahih al Islam (bane vrais musulmans et bane membres du Jamaat Ul Sahih Al Islam). Mo fer ene l'appel à tous bane membres du Jamaat Ul Sahih Al Islam pou reste fermes dans la foi et pour ena ene confiance totale dans Allah, et pour terminer, prête toujours attention au message du messenger ki Allah fine envoie zot dans sa l'époque là. En effet, bane ki fine écoute le message de bane messagers d'Allah zamais fine souffert. Zot pou certainement triompher à plusieurs reprises. *Insha-Allah, Ameen.*

ANNONCE:

Alhamdulillah Summa Alhamdulillah, nous bane membres dans Tamil Nadu pé organise aujourd'hui ene programme de *Tarbiyyat* spécial après Jumu'ah. Et par la pure grâce d'Allah et So bane bénédictions, le Jamaat Ul Sahih Al Islam de Tamil Nadu fine officiellement enregistré là-bas.

Alhamdulillahil-lazi bi nihmatihi ta'timus saalihaate

Tous bane louanges pou Allah, ki grâce à So l'honneur et So majesté, bane actes de vertu accompli.